

76.  
DEO DIRECTORE,  
DISPUTATIO MEDICA  
INAUGURALIS

de

ANASARCA,

Authoritate, & Consensu una-  
nimi GRATIOSISSIMI Medicorum Lip-  
sienſium Collegii,

Pro impetrandis in hac Arte Privilegiis, & HONO-  
RIBUS DOCTORALIBUS,

in ipſo Promotionis Actu oblata,

&

PRO LOCO in eodem Collegio obtinendo  
poſtmodum habenda.

à

L. Gottfried Welfch / designato Anatomiae  
Profesſ. Extraord.

---

L I P S I Æ,

Imprimebant Hæredes FRIDERICI LANCKISCH.

[16397]



DEO DIRECTORE,  
DISPUTATIO MEDICA  
IN PRAESENTIA

ANASARCA

Auctoritate & Conceptione

FRANCISCAE APOSTOLICA

Medicinae Collegii

IN PRAESENTIA

FRANCISCAE APOSTOLICA

Medicinae Collegii

FRANCISCAE APOSTOLICA


FRANCISCAE APOSTOLICA

Medicinae Collegii

FRANCISCAE APOSTOLICA


FRANCISCAE APOSTOLICA



 *Um Hydrops Anasarca non tantum E-*  
*pati inbareat, sed toti venoso generi*  
*corporis q̄ habitui impressum malum sit,*  
*non inconuenienter in praeliminari bu-*

*Disputationis quasi visse videmur,*  
*An in Anasarca venam secare liceat?*

### Thesis 1.

 *Ræcum Hydrops vocabulum, quod ab ὕδωρ &*  
*ὄψ (quia (a) palpebræ, oculorum partes, in*  
*hoc affectu, & præsertim in Anasarca, quæ καλ' ἑ-*  
*ξοχὴν (b) Hydrops dicitur, tumidæ imprimis observan-*  
*tur) derivari videtur, & à Galeno, reliquisq; Græcis modò*  
*hydrosis, modò hydropisis, Barbaris hydropisia, Latinis a-*  
*guaintercus, aquaintercutem, Germanis die Wassersucht*  
*vocatur, Hippocrati, & Galeno ambiguum est, & modò*  
*serosam illam, & mucosam (c) profluvium, quam partu-*  
*rientes cum fœtu per uterum secernunt, modò verò Uri-*  
*næ p. n. (d) profluvium (Diabeten) significat, & Hy-*  
*drops ad matulum dicitur, ac in genere (e) aqvosi, & se-*  
*rosi humoris abundantiam, & collectionem denotat.*

(a) Gal. 6. de loc. aff. c. 5. Avicenn. l. 3. fen. 14, tract 3.  
c. 8. Francisc. de Pedemont. in libr. 2. Mesuæ de æ-  
gritud. Hep. c. 13. Holler. l. 1. de morb. intern. in  
schol. ad cap. 39.

(b) Hipp. l. de nat. Puer.

(c) Gal. l. 3. de causis sympt. Aet. sermon. II. c. 1. de Dia-  
bet.

(d) Cels. l. 3. c. 21. qui sub hâc tanquam genere, reliquas  
complectitur species.

(e) Sennert. l. 3. part. 6. Sect. 2. cap. 3.



## Th. 2.

Propriè verò acceptum à Medicis eum denotat corporis humani affectum, qui (sive illum inter (a) Symptomatum, sive (b) morborum genera roferas) solius Epatis (c) vitio accidit, semperq; id affectum consequitur, & generali vocabulo *Hydrops* vocatur;

(a) Gal. de Sympt. diff. 4.

(b) Meth. med. 3. Cels. l. 3. c. 21.

(c) Gal. l. 5. de loc. aff. cap. 7. Vid. Vid. l. 10. de Cur. membrat. cap. 5. Christoph. à Vegâ l. 2. Progn. Hipp. in explicat. Prognost. 1.

## Th. 3.

Verè enim *Hydropis* vocabulum genericum est, eum suas sub se complectatur Species; quarum alij (a) quatuor, alij (b) duas, alij (c) tres, & has quidem precipuas & vulgatas, partim loco, sive (d) affectâ parte, partim materia, sive causâ differentes, *Asciten* puta, *Tympaniten*, & *Anasarcam* recensent, & his particulares illos peculiarium partium (e) capitis sc. (f) *Pulmonum*, (g) *Uteri* &c. *hydropes* annumerant;

(a) Gal. 4. de acut. 3. & 4. de loc. Aff. 7. Aretæ. l. 4. c. 1. Arnold. de Vill. novâ l. 2. Breviar. c. 30. Mercat. l. 4. de intern. morb. curat. c. 6.

(b) Gal. cit. de acut. 11. l. de tum. p. n. cap. 16. Paul. l. 3. Aët. tetr. 3. serm. 2. cap. 20. c. 48 & l. 10. c. 20. Avicenn. l. 3. fen. 14. tract. 4. Alexand. l. 9. cap. 1. Cels. l. 3. c. 21. Christoph. à Vega l. 3. de art. med. cap. 10. Rondelet. l. 3. meth. curand. morb. c. 36. & plurimi.

(c) Mercat. l. 4. de Intern. morb. curat. cap. 6. Holler. l. 1. de morb. intern. cap. 39.

(d) de



(d) de quo Sennert. Prax. l. 1. part. 1. cap. 28.

(e) de quo idem Sennert. Prax. l. 2.

(f) de quo Hipp. l. 4. de morb. & l. de morb. mul. Aët.  
l. ult. c. 97 & alii.

(g) Hipp. 4. de rat. vict. in acut. text. 3.

#### Th. 4.

Omnes autem hasce species impræsentiarum nec tangimus, nec multum attendimus, sed tertiæ *Hydropicæ* propriè sic dicti speciei *Naturam, Subjectum, Causas, Signa*, & per *Indicationes* inventam *Curationem* ordine nunc, sed breviter tradimus.

#### Th. 5.

Ipsam autem dum inspicimus Affectus hujus titulum, in ipsius assignatione Synonymâ vocabulorum (a) varietate delectatos fuisse veteres rerum Medicarum Scriptores apertè constat, dum Affectum hunc modò *leucoplegmatiam*, modò *aquam* (b) *inter cutem*, modò *sarciten*, modò *catasarcam*, modò *hyposarcam*, modò *anasarcam*, salutare consuevi sunt; cum tamen, rem ipsam si spectes, nulla illorum uel Loci, vel materiæ ratione sit differentia, nulla detur (c) diversitas; Quorum ultimum, ab ἀνὰ & σάρξ *Anasarca* dictum, cum magis arrideat nobis, hujus nostræ Disputationis esto titulus;

(a) Hipp. 7 Aph. 29. Paul. l. 3 c. 48 & l. 10 c. 20. Mer-  
cat. l. 4. de morb. cur. c. 6. Mercurial. l. 3. de Aff. in-  
fim. vent. cap. 24. Christoph à Vegâ l. 2. Prognost.  
Hipp. Progn. 1. Holler. l. 1. de morb. intern. cap. 39.  
Sennert. l. 3. Prax. part. 6. sect. 2. dap. 3.

(b) Cornel. Cels. l. 3. cap. 21. qui primus est hujus denomi-  
nationis Author.

(c) Sennert. loc. cit.



### Th. 6.

*Est verò Hydrops Anasarca cedematosus totius Corporis tumor, ab humore pituitoso in Epate, & venis p. n. generato, & in toto corporis habitu collecto, ac retento.*

Galen 1. Acut. & alibi. Vid. Vid. 1. 10. c. 5. & alii supra citati.

### Th. 7.

*Quæ Definitio Genere constat adequato, Subjecto proprio, Differentiâ, & Efficiente causâ.*

### Th. 8.

*Genus Definitionis est tumor; qui est (a) morbus in extensâ, vel auctâ magnitudine consistens; quam extensam magnitudinem in Hydrope Anasarcâ vel in toto corpore, vel præcipuè in pedibus cuius cernere licet.*

(a) Fallop. tract. de tum. p. n. cap. 3.

### Th. 9.

*Subjectum proprium est Epas, & totus Corporis habitus.*

### Th. 10.

*Differt à reliquis tumoribus in genere, quod hic totum æqualiter corpus, reliqui verò hanc vel illam tantum corporis partem obsideant. In specie verò ab Ascite, & Tympanite, quod Abdomen in Ascite aqvofo humore, in Tympanite flatu & vento, in Anasarcâ verò totum corpus aqvâ tumeat. Anasarca item alia per Essentiam, & proprium Epatis Affectum, alia per Consensum vicinarum (a) partium; Alia hæreditaria, alia post contracta; Alia recens & curabilis, alia inveterata & incurabilis est.*

(a) quas diligenter enumerat Gal. 1. d.

### Th. 11.



## Th. 11.

*Causarum Hydropem Anasarcam Efficientium alix sunt Externa, alix Interna; & harum alix Antecedentes, Continentes alix.*

## Th. 12.

*Externas & Procatarticas sex illæ res Medicis non naturales diætæ suggerunt, quatenus videlicet illarum usus illegitimus, & intempestivus Epatis tonum destruere, illudq; refrigerando nimis ipsius Actionem invertere valet; quas omnes duabus includimus classibus, quarum altera Assumpta, altera Excreta, & Retenta continet.*

## Th. 13.

Ex *Assumptorum* classe post (a) autumnalem Aëris constitutionem, alimentorumq; frigidorum esum, primates obtinere videtur excedēs (b) frigida potus, præsertim post labores, vel aliud vehementis, corporis exercitiū, & motum, ubi calor nat. apertis ob exercitiū vim poris, ad externas corporis partes expanditur, pusillus autem, qui in visceribus remanet, occurrenti frigiditati sufficere & resistere minimè potest. Cum enim frigidum corpora nostra nimium lædat, quia Calorem, cui adversum est, vehementer debilitat, Facultates enervat, coctionem vitiat, cruditatesq; generat, hinc fit, ut, si quis post exercitiū gelidam, quæ (c) noxâ non caret, & frigidos (d) morbos generat, copiosè bibat, & ingurgitet, officina coctionis vehementer refrigeretur, vires prosternantur, alimentum assumptum neq; coquatur, neq; digeratur, neq; in sanguinem, sed frigidum, & crudum succum convertatur, qui per venas in totum corporis habitum dispersus, ibidemq; collectus, & retentus *anasarcam* facit. Cujus rei



rei historiam refert Zacut. (e) Lusitan. qui quendam vidit ab exercitio vehementiore in æstate subito, & superabundanter de aquâ frigidâ pluries sumere, qui postea carnosum, ut ille loquitur, hydropem passus est; Exempla alia apud (f) Alios.

(a) Hipp. l. 3. Aph. 22.

(b) Gal. 5. de loc. cap. 3. & 6. de loc. cap. 1. Avic. l. 3. fen. 14. tr. 3. cap. 8.

(c) Gal. in Comm. de salubr. Diet. num. 12.

(d) Gal. 2. de diff. morb. cap. 3. & 3. de temperam. 3.

(e) l. 2. de Med. Princip. Hist. hist. 119 Rhasis.

(f) Victor Trincavell. Consil. 3. Consil. 30.

### Th. 14

Hûc referenda sunt & ea, quæ ab innatâ quâdam proprietate, seu, ut Medicè magis, occultâ qualitate *hydropem* inducere dicuntur; quæ quid (a) *mandragora*, *cicuta*, (b) *bupestris* item esse creduntur.

(a) Mercurial. l. 3. de Aff. infim. ventr. c. 24.

(b) Aretæ l. 4. cap. 1.

### Th. 15.

Nec minor quoq; , nisi major, ex alterâ *Retentorum* sc. & *Excretorum* classe ansa succrescit huic malo, & occasio. Ità enim ferunt Naturæ leges & consuetudo, ut redundans in corpore sanguis statâ in quibusdam periodo, uti menstrua mulierum purgatio, aliis verò indifferenter & pro auctâ sanguinis copiâ per Nares, aliis per Venas an hæmorrhoides diætas excernatur, & purgetur; Quæ res quot usûs, quot commoda sanitati confert, si sec. nat. est; tot mala, tot insidias, tot incommoda, si præ. nat. est, corpori nostro inferre certum est; quod oraculo quodam



dam prædixisse videtur (a) Hippocrates, testantur (b) Alij. Utraq; enim hæc vitia, five consuetarum per circuitûs evacuationum suppressionem, five excedentem per nimium illarum fluxum inanitionem spectes, viscera naturalia, Epateq; imprimis refrigerare, & aquam inter cutem operari maximè valent, ita quidem, ut hæc per se nativam corporis calorem, qui in Sangvine suam habet (c) perseverantiam, minuat, Epateq; imprimis insignem imprimat frigiditatis excessum, illa verò per accidens, eatenus sc. quatenus Calor nat. partium retentorum copiâ obruitur, & (d) ignis instar, immisissis ipsi lignis tum humidis, tum multis, extingvitur. Exemplo est *Trajanus Imperator*, quem ob retentas hæmorrhoides hydropicum factum, ab eò verò semel liberatum, ex recidivâ tandem mortuum esse refert Dion. Cass. de quâ re plures legantur apud (e) Authores Historiæ.

(a) 6. Epid. s. 3. text. 37. l. de morb. n. 6. & 7.

l. de morb. Virgin. num. 1. 2. & 3.

(b) Gal. 6. de Loc. cap. 5. 2. de fac. nat. cap. 8. de ven. sect. adversus Erasistr. cap. 6. Mercat. l. 5. de morb. mul. cap. 5.

(c) Zacut. Lusit. l. 2. de Med. Princip. histor. histor. 116. Rhaf.

(d) Gal. 4. de rat. vict. in acut. com. 3.

(e) Schenck l. 3. Observat. Medicinal. p. 475. & 476. Petrus Forest. Observat. l. 19. de Epate. Affectibus observat. 34. & 35.

## Th. 16.

*Causæ internæ Antecedentes* hujus Affectûs sunt 1. *Morbi* (a) *omnes*, qui vel magnitudine, & vehementiâ, vel durationis diuturnitate malam in Epate dispositionem operari, nativum Epatis imprimis, & totius corporis calo-



ram imminuere, eūmq; imbecillem, & debilem reddere valent; idq; vel per se, vel per consensum. Per se, quando essentialiter patitur, & affectum est Epar, obstructum puta, (b) Scirrhum, vel inflammatum; Per Consensum verò, quando ab aliarum partium nutritioni imprimis inservientium morbis hydropica Epatis infertur dispositio; Sic scirrhus (c) Lien, dum ob morbosam sui constitutionem sanguinem non repurgando ipsam sanguificationem impedit, hydropem facit; Sic magnus (d) Lien, dum ab insitâ familiaritate justo maiorem prolecat humorum melancholicorum copiam, unde tumores, & hinc Epatis vicini visceris refrigeratio, hydropis causa esse potest; Sic (e) Renes ob attractricis imbecillitatem sanguinem à sero non purgantes, sed impurum illum, aqvolum, & nutriendis partibus prorsus ineptum reddentes hydropi materiam præbent; Sic, quod majus est, ad Empyema, & Phthisin hydropem consecutum fuisse testatur Marcell. Donat. Hist. mirab. l. 4. cap. 21.

(a) Galen. 2. Prognost. com. 1. & 6. de loc. aff. cap. 1. Avic. l. 3. fen. 14. tract. 4. cap. 4. Mercurial. l. 3. de Aff. infim. ventr. cap. 24. Holler. l. suprà citat.

(b) Hipp. 4. de prælag. 9. Zacut. Lusit. Prax. hist. l. 8. cap. 15.

(c) Avicenn. cit. l.

(d) Galen. 3. de caus. sympt. cap. 2. Trallian. l. 9. cap. 3.

(e) Avicenn. ibid. Marcell. Donat. loc. cit.

### Th. 17.

2. *Complexio nat. Epatis & totius corporis frigida; ejus ratione, sexum si spectes, mulieres, si ætatem, Pueros hydropæ anasarcâ magis laborare asserimus.*

### Th. 18.

*Et 3. Naturalis, & hereditaria dispositio. Etenim si*  
gal.



calculosi calculosos, Podagrici Podagricos, Epileptici Epilepticos generant, quanto verisimilius est *hydropicos* generare *hydropicos*? Cùm illi Affectûs particulares tantùm sint, hic verò universum corpus obsideat. Si enim sanguis materiale est seminis Principium, ille autem in hydropicis crudus, & impurus, tale omninò quoq; generabitur in ipsis semen, cujus, ut materialis foetus principii, impressam, & congenitam à Parentibus *hydropicis hydropicam* formam, & dispositionem talem efformare foetum, quale fuit ipsius Principium, rationi haut dissonum est. Ab Antiquioribus more receptum fuisse refert Plutarchus, ut, quotiescunq; hydrope aliquis interibat, ipsius filios tamdiu pedes in aqua detinere curarent, quousq; corpus defuncti Parentis cremaretur, id sibi persvadentes, evitari hoc modo, quo minus filii iis caperentur morbis, quibus interibant Parentes; Quod, cùm affectum hunc à Parentibus filiis communicari posse doceat, hic annectere placuit.

### Th. 19.

Sed, si rem paucis contrahamus, *Proximam & immediatam Anasarca Antecedentem causam* esse (a) *habitualement Epatis* (b) *refrigerationem*, sive caloris nat. defectum, & læsam inde sanguificationis actionem ex supradictis colligimus; ità, ut (c) nemo, nisi cui Epas affectum sit, fieri possit hydropicus, ille verò Epatis (d) *Affectus* sola sit nativi ipsius caloris debilitas, indeq; prognata intemperies frigida, & sanguificationis læsio.

(a) Gal. 5. de loc. 7.

(b) Gal. 3. de loc. 2. & 2. de fac. nat. 8. Avicenn. 1. 3. fen. 14. tract. 4. c. 4. Aët. tetra. 3. ferm. 2. c. 20. Trall. 1. 9. cap. 1. & 3. Zacut. Lusitan. Prax. hist. 1. 8. cap. 15.



(c) Gal. cit. §. de loc. 7.

(d) Idem l. 4. §. & 6. de loc. Aff.

### Th. 20.

Non enim (a) aliorum hîc obstant nobis opiniones, & sententiæ, fieri sc. *hydropem* non minus à causâ calidâ quàm à frigidâ; cum illud non per se, & immediate, sed per (b) accidens, & mediatè evenire certum sit; ità, ut appositè loqui videatur (c) D. Sennert. p. m. dum quæquàm à causâ calidâ (per se sc. & immediate) in *Anasarcam* incidisse haut compertum esse ait.

(a) Avenzoar. l. 1. tr. 13. c. 1. Steph. Athenæ. in com. 2. Prognost. Averr. 3. collect. 1. & alii quæ plurimi.

(b) Zacut Lusitan. de Med. Princip. Hist. l. 2. histor. 122. dub. 68.

(c) Prax. l. 3. part. 6. Sect. 2. c. 5.

### Th. 21.

*Causa continens*, quæ est proxima hujus tumoris Efficiens Causa, in definitione suprâ expressa est, *humor* sc. *pituïtosus* in Epate, & venis refrigeratis generatus, ac in toto corpore collectus, ac retentus.

### Th. 22.

Hinc tali modo *Anasarcam* fieri conjicimus: Epar, quæ admodum dum sec. nat. est, sincerum, & partium nutriendarum aptum generat sanguinem, ità dum à suprâ relatis causis p. n. refrigeratur, boni, & inculpati sanguinis loco frigidum, & pituitosum producit succum, qui deinde per venas Epatis, quæ aliàs sanguinem nutriendis partibus communicare solent, cum sanguine in totum corpus dispergitur, venasq; vel eo (a) modo, quo per rariores panni partes humor percolatus transit, vel factâ



factâ ob copiam aquæ venarum anastomosi in poris, ad meatibus totius habitûs colligitur, collectusq; tandem membris adhaerens, ac circâ ea concreescens, universale quoddam totius corporis (b) œdema producit. Et hæc de *Naturâ, Subjecto, Causis, & generationis modo*; Sequuntur nunc *Signa*, & hæc ipsa tandem *Anasarcæ curatio*.

(a) Avicenn. l. multoties cit.

(b) Gal. 3. de Causis sympt. cap. 1. & 2. Hieron. Capivace. l. 3. Prax. c. 19.

### Thesis 23.

*Signa*, quæ vel Affectûs hujus *Diagnosin*, vel ipsius eventûs *Prognosin* insinuânt, duplicia sunt; *Diagnosticâ & Prognosticâ*.

### Th. 24.

*Diagnosticorum* primum est corporis totius, & Pedum imprimis, *tumor*. Totum enim corpus (a) æquali intumescit, molle, & tumidâ inflatione (quàm (b) Avicenna abusivè pingvedinem vocat) laxum est, humidoq; tumore veluti madidum apparet, itâ, ut spongiæ (c) modo humorem imbibisse videatur; cui si vel manum, vel digitum admittas, illudq; premas, impressæ manûs, vel digiti semper remanet figura, (d) & vestigium, præsertim cum humor, qui pressus tardè regreditur, (e) crassiusculus est. (f) Pedes verò tumidiore apparent reliquo corpore, & imprimis vesperi, & post (g) exercitium, & cum diu declives fuerint, vel quia à fonte, & Principio caloris nativi remotiores sunt, qui, quod contrarium, & noxium sibi est, ad remotiores partes detrudere solet, vel quia, cum sint columnarum instar totam corporis



molem sustentantium, per labores interdium fatigantur, & fatigati postea ad inferiores ruentium humorum fluxum facilius recipiunt; Accedit & hoc, quod, cum caloris substantia in sanguine præcipue consistat, ipsi autem pedes ex pluribus ossibus, nervis, ac cartilaginibus compositi, & constructi (b) ex sanguine sint, & paucâ carne contenti, & ideo facilius tumor in pedibus excitari, & foveri possit. Cur verò non ipsæ quoque (i) manûs ita tumescant, ex præcipuâ videntur esse rationes; quòd illæ vel non ita remotæ à fonte caloris spirituum, & sanguinis motu sursum facto foveantur magis, quam pedes; vel crebriori exercitio, & motu excrementa discutiant, & dissipent; quâ de causâ inferiorem oculorum palpebram superiore tumidiorem observamus;

(a) quod Pathognom. est hujus affectûs signum.

(b) l. 3. fen. 14. tr. 4. cap. 10.

(c) Christoph. à Vega l. 3. de art. med. c. 13.

(d) Mercurial. l. 3. de aff. infim. ventr. c. 24. Mercat. l. 4. de intern. morb. cur. cap. 6. Sennert. Prax. l. 3. part. 6. sect. 2. cap. 5.

(e) Fernel. l. 6. de part. morb. & sympt. cap. 8.

(f) Gal. 2. Prognost. com. 3. Mesues de ægrit. Epat. cap. 13. Mercurial. cit. lib. & cap.

(g) Idem Fernel. ibid.

(h) Roder. à Fonsec. Consult. Med. lib. 1. Consult. 29. Zacut. Lusit. Prax. Hist. l. 8. cap. 15.

(i) Zacut. l. c.

### Th. 25.

*Fæda adest faciei, & totius corporis decoloratio; Albidiores enim, pallidi, aspectu (a) injucundi, imò ipsis mortuis (b) similes sunt hydropici; quia vitiosi intus latent*



tent succi, nec sanguis in vasis saturato rubore nitet, calorq; partium ob inopiam puri, & sinceri sanguinis fere extinctus, & totum corpus ad extremam q. & permanentem frigiditatem redactum est;

(a) Aretæ l. 4. de sign. & causis morb. diut. c. 1.

(b) Fernel & Mercat. l. suprà cit. Sennert. l. c.

(c) Zacut. Lus. l. 4. de Med. Princip. hist. p. 127.

### Th. 26.

*Accedit insignis Virium jactura, & prostratio. Cum* enim oblæsum in hoc Affectu sangvificationis opus ipsa impediatur, & lædatur partium nutritio, de quâ solâ, vires ne exsolverentur, sagax nobis prospexit Naturæ consilium, fieri aliter non potest, quin ob defectum nutritionis ipsa quoq; in *hydropse* deficient, & prosternantur vires, & ita quidem, ut *hydropici* ad actiones omnes impotentes, inepti, exsoluti, & enervati q. minimo labore frangantur;

### Th. 27.

*Febris, cum humores putrescere incipiunt, lenta;*

*Sitis* (a) *clamosa*, & assiduum, præsertim in malo confirmato, ac intolerabile urget bibendi desiderium. Et si enim corpus, & ad id attinentes partes humore nimio imbutæ sint, unde minus sitire ægri debebant, tamen aquea illa humiditas salsa, acris, & vitiosa est, & morâ tum calidior, tum vitiosior redditur, à qua sitis inducitur, quæ ingestio potu non extinguitur, etiam si totus ventriculus humore perfundatur, ita, ut, quo plus bibant, eò magis exacerbetur ipsorum bibendi desiderium, & cupiditas, ac

*Crescat indulgens sibi dirus Hydrops.*

(a) Avicenn. l. 3. fen. 14. tract. 3. c. 8.

### Th. 28.



### Th. 28.

*Difficulter respirant*, partim propter impedimentum omnibus partibus organicis respirationi inservientibus ab humoribus ipsis impactis illatum; partim verò ob auctam Epatis molem, quâ diaphragma premitur, atque offenditur, ne liberè moveri valeat;

### Th. 29.

*Appetitus* in Principio ob nimiam (a) in visceribus reconditam humiditatem *languidus*; in fine verò, cum acorem contrahit cruditas, *intensior* est;

(a) Francisc. Valler. l. 3. Observat.

### Th. 30.

*Pulsus languidus*, & propter humiditatem in toto corpore redundantiam *mollis*, & *undosus* est;

Gall. 4. de causis puls. c. 24.

### Th. 31.

*Urina*, ob ipsius materiæ in reliquum corpus motum, & collectionem, *pauca*; ob coctionis debilitatem, potumque largiorem, *tenuis*, *cruda*, & *alba*; interdum tamen à læsâ seriâ sanguine secretionem *rubra* apparet;

### Th. 32.

*Alvi excrementa*, ob læsam coctionem, & digestionem, humiditatisque ad habitum potius, quàm ad intestina corrivationem *pauca*, & *dura* ægrè excernuntur;

### Th. 33.

Interdum etiam, ob humiditatis acris, & putridæ abun-



abundantiam, in habitum corporis diffusam, in hydropicorum corporibus *fæda*, & curatu (a) difficilia generantur (b) *ulcuscula*.

(a) Gal in com. 1. de tum. c. 20. 7. Aph. com. 71.

(b) Hipp. Aph. 8. sect 6.

### Th. 34.

*Signa causarum* vel ex ipsius hydropici, in vitam sc. & sanitatem ipsius diligenter inquirando, vel ab adstantium quæsitores relatu facili negotio patent.

### Th. 35.

Jam quid sperandum, quid expectandum sit *Hydropicis*, alterum Signorum genus, *Prognosis* vid. docet, & exponit:

### Th. 36.

Scilicet in hoc Affectu, si factus jam, & confirmatus est, parum restat spei, parum solatii; ita ut non modò in (a) lethalium morborum numerum referatur, sed cum hominem aggreditur, præsertim si ex morbo (b) acuto est, & tussis (b) valida, & contumax supervenit, (c) interficere illum dicatur. Viscus siquidem ad vitæ sustentationem summoperè necessarium affectum est, quo fit, ut plerosq; hydropicos, postquam miserè satis aliquandiu vixerint, emori tandem, & (d) suffocari videamus, & si liberari quosdam contingat, id (e) *Dei potius, quàm Artis auxilio* adscribendum sit. Interim tamen desperandum semper non est, cum Naturæ imprimis hic attendenda sit bonitas, quæ interdum transmissa è venis in ventrem materiâ per (f) diarrhæam solvere morbum

C

asfolet;



aslolet; Bonâ ergò spe erigantur hydropici, & tententur  
ea omnia, quæ Ars certâ tradit ac docet metho do; præ-  
sertim cùm morbus nondum confirmatus, aut invetera-  
tus, & non proprio Epatis, sed aliarum partium vitio sit;  
viresq; morbo sufficientes futuræ videantur.<sup>9</sup> Et hæc  
quoq; de utrisq; signis sunt.

(a) Hipp. l. i. de morb.

(b) idem in Coac. prænot.

(c) idem Aph. 35. s. 6. & aph. 41. sect. 7.

(d) Hipp. 4. Acut. text. 1.

(e) Hipp. 2. Prognost. & 4. acut. 3. Cels. l. 3. c. 21. Cœl.  
Aurel. l. 3. tard. pass. c. 8.

(f) Gal. 6. Aph. côm. 35.

(g) Vid. Vid. Zacut. Lus. l. c. & Alii.

(h) Hipp. Aph. 14. sect. 6.

(i) Hipp. aph. 19. sect. 7.

### Th. 37.

Nunc cùm de ipsâ tandem *hydropis curatione* deli-  
berandum est, ne varium, nec incertum quid, Empirico-  
rum more, tentasse videamur, invenienda imprimis sunt  
lege methodi certa, & ad scopum directâ instrumenta,  
quibus id, quod conamur, effectum dare, & in patientis  
salutem salutariter expedire possimus. *Indicationes* au-  
tem sunt ea ipsa instrumenta, illa organa, quibus rationâ-  
liter inventis rationalem, & methodicam possumus tra-  
dere cujushbet morbi curationem. Præsens ergò *mor-  
bus*, quia p. n. quid est, in genere sui ablationem, sanita-  
tisq; restitutionem indicat; *causâ* verò, & ægrotantis vi-  
res, cùm ab illâ omnis dependeat, & foveatur illatâ cor-  
pori noxa, ab his verò, si superari, & prosterni easâ mor-  
bo contingat, ipsa periclitetur vita, duplices indicationes  
mon-



monstrant; *Causa* quidem sui per accommodata & convenientia remedia remotionē, pituitosorum sc. humorum evacuationem, & absorptionem; *Vires* autem sui refo-cillationem, & restitutionem, partiumq; debilitatarum, Epatis imprimis corroboracionem indicant.

### Th. 38.

Quorum Præsidiorum materiam partim *Diatæ*, partim *Pharmacia*, partim verò *Chirurgia* nobis sup-peditat.

### Th. 39.

Sit ergò, ut *Dietam* primò præscribamus, illa, quo-ad quidem fieri potest, accurata, & legitima, causæq; contraria:

### Th. 40.

*Aër* calidior, & siccior, serenus, non ventosus, aut crassus, nec pluviosus, nec Autumnali similis, convenit.

### Th. 41.

*Alimenta* solida potius, quam liquida, & coctu fa-cilia sint: Panis benè fermentatus, & studiosè coctus, qui, dum subagitur, sem. anis. vel coriandr. recipiat; mi-cæ ejus præferendus (*a*) cortex; laudatur (*b*) bis co-ctus, Panis (*b*) nauticus, vel (*c*) clibanaceus dictus, quod exsiccet, & humiditates vehementer absumat,

(*a*) h. Cristoph. Vega. l. 3. de art. med. c. 13.

(*b*) Mercurial. l. 3. de aff. infim. ventr. c. 24. Zacut. Lusit.  
l. 2. de Med. Princip. Hist. hist. 117.

(*c*) Mes. de ægrot. Hepat. cap. 13.



*Carnes* sint avium montanarum, turturum, perdium novellarum, attagenarum, turdorum, merularum, asiae potius, quam elixæ; *Pisces* omnes fugiendi; Cibi condiantur menth. serpill. salv. rosmarin. rad. apii. petrosel. fœnic. gramin. sem. anis. fœn. coriandr. sale, piper. Zingib. cinam. caryophyll. macer &c. Victus in genere tenuis & talis, (a) qualis præscribitur illis, qui decoct. lignibibunt, vel inedia potius recommendetur hydropicis; vel ad minimum tamen iusta præscribatur ciborum quantitas, ne, si plus offeratur, quàm quod iustum est, malum, & causa mali augeatur, si minus vires prosternantur, & dejiciantur.

(a) Sennert. l. c. & alii.

## Th. 43.

*Potus* sit vinum vetus, meraciss. album, tenue, odoriferum, medicalum eupat. absinthit. salviat. &c. quo parcius tamen, eò utilius; cum sæpè solà potûs parsimonia, & bonâ victûs ratione curati fuerint hydropici. Sic *Julius* (a) *Eqves Romanus* hydropicus interdicto per totam vitam potu curatus est; Sic (b) *Rusticus* quidam hydropicus, dum per annum à potu abstinuerit, liberatus est; Sic quoddam, cum per 15. dies à potu abstinuissent, jubente Deo, sanatos fuisse, ait (c) Gal. *Aqua* non tantum interdicatur (d) *potus*, sed ipsius etiam prohibeatur (e) *aspectus*.

(a) Plin l. 7. c. 18.

(b) Beniven. de abdit. c. 13.

(c) l. 6. Epid. s. 4. com. 8. & alia exempla videantur apud Viêt. Trincavell. Consil. l. 3. consil. 32.

(d) Cor-



(d) Cornel Cels l. 1. c. 24.

(e) Avicenn. l. 3. fen. 14. tr. 4. cap 14.

### Th. 44.

*Somnus* consveto sit brevior; *Vigilia* largiores; talis tamen debet esse somnus, qualis ad concoctiones potest esse sufficiens, (a) *Lectus* non sit admodum mollis; cum satis superq; (b) *Lecti* secum circumferant, mollem illam puta, œdematicam in toto corpore humorum coluviam; (c) *Pulvinaribus* subterni possunt puleg. calamint. origan. cum sæpè sanos quosdam ita absconditos à somno surrexisse observatum sit;

(a) Victor. Trincavell. Consil. l. 3. consil. 31.

(b) Idem lib. cit. consil. 32.

(c) Idem ibid. & Petr. Forest. in schol. ad obs. 32.

### Th. 45.

*Exercitium* sit multum, validum, & sub (a) æstivo sole, cœlo sereno, ac tranquillo, omniq; (b) laborum genere, prout ferre quidem possunt, exerceantur *hydropici*; si verò febris adest, parcius.

(a) Christoph. à Vegâ l. c. & alii.

(b) Hipp. 2. & 5. Epid.

### Th. 46.

Alvus, & vesica imprimis sua quotidie reddant excrementa, si non à naturâ, succurrat Ars.

### Th. 47.

Ad levem interdum concitari iracundiam non erit inutile.

Idem Trincavell. con. 31. fil.



## Th. 48.

*Pharmacia*, secundus remediorum fons, pro causæ morbificæ remotione, Epatisq; corroboracione sat amplam suggerit materiam, quæ *alvum leniendo, humores preparando, preparados evacuando, reliquias vel per Urinam, vel per habitum corporis expellendo, Eparg, corroborando* usui nostro accommodari satis potest.

## Thesis 49.

*Alvus* si durior est, *lenienda* est vel injecto Clyst. ex decoct. spec. emoll. cum ol. emoll. sacchar. thom. & pauco sal. cum El. lenit. Florenz. diacathol. diaphœn. hier. s. bened. laxat. &c.

## Th. 50.

*Preparantia simplicia* sunt; rad. aperient. fol. cucut. eupat. ceterach. hysop. organ. beton. menth. calaminth. schænanth. stœch. fl. spic. sem. foen. anis. fœfel. ammi &c. Ex quib. decocta, & Apozemata usui inservientia arte præparari possunt; *Composita* verò: Syr. de eupat. de duab. & 5. rad. de cichor. cum rhab. de stœchad. de hysop. de calaminth. de beton. byzantin. oxymel. s. scillit. &c. cremor, & chrystall. Tartar, ut & Tartarus vitriolat, &c.

## Th. 51.

*Purgantia leviora simplicia* agar. mechoac. fol. sen. rad. bryon, &c. *composita*. el. lenitiv. mel. ros. solut. syr. diaser. Andernac. pil. de ammoniac. de rhab. trochis. de rhab. extr. Phlegmagog. querc. &c.

## Th. 52.



## Th. 52.

*Purgantia fortiora simplicia sunt:* Gialap. Gummi. gott. gran. till. soldanella. laureol. &c. (cujus (a) drachmam j. in acet. fort. per triduum infus. & pulverisat. cum syr. ros. exhibitam expertissimum esse remedium creditur) succ. irid. nostrat. esul. elater. s. succ. cucum. asinin. Euphorb. &c. *Composita:* Ipec. diaturbith. c. rhab. diacartham. El. Ind. syr. hydragog. Mynsichts. Pil. de Mezer. Mes. pulv. hydragog. Noriberg. &c.

(a) Arnold. Villanovan. Breviar. l. 2. c. 30.

## Th. 53.

*Emetica sunt:* Decoct. rad. raph. Aq. fl. genist. bened. Rul. nuc. virid. conf. flor. persic. hydrolæ. vitriol. alb. vomit.

## Th. 54.

*Diuretica:* Rad. petrosel. asparag. fœnic. rusc. Vinæ cedox. hyperic. Alkekeng. Urtic. linar. bacc. juniper. lign. sasaf. (quod (a) præ reliquis hoc peculiare habet, ut ventriculi vires conservet, calidum innatum augeat ac roboret, modiceq; exsiccet.) Therebinth. sal. genist. fœnicul. gratiol. &c. spir. sal. therebinth. spir. & tind. Tartari sal. ranar. & bufon. (b) in clibano exsiccat. ol. de bacc. juniper. in vino sumptum. (c) Cantharid. potus aq. thermal. &c.

(a) Senn. l. 3. Prax. part. 6. f. 2. c. 3.

(b) quod commendat Solenander consil. med. 15. f. 5.

(c) conceduntur ab Hipp. l. 4. acut. & à Gal. l. 3. simplic. cap. 21. & Dioscorid. l. 2. c. 54. quia non tantum internè sumptæ (præparatæ sc.) sed exterius pubi vel coxis



coxis applicatæ promptissimè urinam moveant, teste Montagnan. Consil. 182. c. 10. & Andr Baccio in proleg. ad venen. & antidot p. 21.

### Th. 55.

*Diaphoretica interna*: Lign. sanct. rad. Chin. card. bened. fl. Sambuc. Ebuli, &c. Aq. theriac. cum vino &c. Theriac. Andr. mithridat. &c. antim. diaph. bezoart. ☉ &c.

### Th. 56.

*Reliqua externa*, quæ per habitum corporis, ubi major pars peccantium humorum existit reliquias pellunt ac excutiunt, sunt:

### Th. 57.

1. *Balnea sicca* (a) instuphationes sc. evaporationes, Laconica; quæ hunc in modum à (b) Mel. depingi solent: Intineâ clausâ sit tabula una perforata in medio ejus pluribus foraminibus, in quâ stet patiens, & in fundo sitaq. fals. decoct. calaminth. organ. rut. sabin. hysop. &c. & in illam projiciantur lapides molares igniti, & recipiat fumum tinâ existente benè clausâ, & coopertâ, donec sudet.

(a) Arnold. Villanovan. l. 2. Breviar. c. 39.

(b) Mel. de ægrit. hepat. cap. 13.

### Th. 58.

2. (a) *Insolationes*; Insolandi enim (veterum more) sunt *hydropici*, h. e. ponendi, & locandi sub ardente sole, benè tamen oblecto capite, in arenam, & præsetim, si fieri



si fieri potest, ad (b) maris littora, ubi abstersâ continuo facie cum spongiâ, vel repetitis volutationibus sese exerceant, fricent, vel planè in eâdem (c) subterrare sese, & (d) sepelire patiantur. Hujus vicem suppleant arena (e) fluviatilis, calidi à sole furfures, cineres, (f) acervi frumentorum &c. fieri non minus possunt ex mil. pulv. lap. pumic. cum fl. chamæm. sem. aneth. ruth. &c. sacculi; vel ex his benè dispositis & reconditis integer (g) vestitus pro patientis usu consui, ipsiq; accommodari potest, quæ omnia miram abstergendi, (b) exsiccandi, & consumendi vim habent. Eundem in finem hydropicos capite excepto, calidum post panis extractionem intrare clibanum, inq; eo super tabulâ in ipso positâ pluries sudare jubent (i) alii. Quibus hoc nostro seculo substituuntur (k) Laconica.

(a) Cornel. Cels. l. 3. c. 21. Aët. l. 10. c. 28. Zacut. Lusitan.

Prax. l. 8. c. 15. Mercurial. l. c.

(b) Aët. & Christoph. à Veg. l. multoties cit.

(c) Arnold. Villanovan. l. 2. breviar. c. 30.

(d) Aët. cit. l.

(e) Cels. l. cit.

(f) Victor Trincavell. consil. 32. Aët. l. c. qui quosdam in hos demersos ab hoc malo liberatos fuisse scribit.

(g) Gal. lib. 9. de simpl. med. qualit.

(h) Victor Trincavell. & Arnold. Villanovan. l. c.

(i) Sennert. Prax. l. 7. part. 6. c. 2. c. 5.

(k) Sennert. l. 3. Prax. part. 6. f. 2. c. 5.

### Th. 59.

3. *Friciones*, quæ sunt primò leviores; deinde fortiores cum pannis (a) asperioribus, & satis duris, aspers. lap. pyrit. diligentiss. triti pulv. ol. iten. irino, in quo sulph. sal. com. aut nitr. aliquid dissolutum sit &c. vel ol. laur. anethin. c. tantillo sal. sulph. & acet.



(4) Paul. Cels. Aët. Vid. Vid. cit. l. Sennert. l. 3. Prax. pars  
6. l. 2. c. 5.

### Th. 60.

4. *Fomenta* circa abdomen, & Epatis regionem  
fiant ex decoct. in vino origan. puleg. absinth. Cham.  
thym. &c. cum sal. & sulph. ut & caryophyll. cinam.  
junco odorato &c. pulverifat.

### Th. 61.

5. *Cataplasmata* ex stercore bubul. caprin. vel co-  
lumbin. cum far. orob. & lupin. vel oxymel. de arthan-  
tâ majus, de baccis lauri &c.

### Th. 62.

Viscera tandem, & Epar imprimis *alterantia*, & *cor-  
roborantia* sunt spec. dialacc. diacurcum. diarrhodon. Ab-  
bat. aromat. rosat. diamarg. cal. conserv. rad. helen. an-  
thos. absynth. agrim. veron. Epar lupi præparat. &c.

### Th. 63.

*Extrinfecus* inungatur Epar ol. absinth. mastichin.  
nardin. anethin. &c. ugvent. Aregon. martiat. &c.

### Th. 64.

*Materia Chirurgica* vel fientem, vel factum *hydro-  
pem* respicit.

### Th. 65.

Fienti *Phlebotomiam* (quicquid etiam contra il-  
lam velint ali.) omnino celebrat, non tamen indiscrimi-  
natim; sed si malum hoc vel à Plethorâ, vel consuetæ cu-  
jusdam per sanguinem evacuationis suppressione suam  
trahat originem, reliquæq; non prohibeant circumstan-  
tiæ, ex

G<sup>al.</sup> 4. acut. com. 3. l. de ven. sect. c. 5. Hipp. 7. aph. 7.

Paul. l. 3. c. 48. Cels l. 3. c. 21. & aliis.

Th. 66.



Th. 66.

Si ergo à Plethora, vena communis, seu Basilica dextri brachii;

Th. 67.

Si à Mensum suppressione, vena tali, vel poplitis unius, vel alterius, vel utriusq; pedis secanda est; si verò conjuncta est Plethora, primò vena brachii, deinde tali aperienda est;

Th. 68.

Si ab hæmorrhoidibus, applicatis, vel affixis hirundinibus, vel panno asperiore, vel succ. cœp. centaur. min. & c. præmisso leniente decocto aperienda sunt;

Th. 69.

Si verò aliqualis virium imbecillitas venæsectioni contradicere videtur, in locum ipsius succedit crurum, in mulieribus imprimis, scarificatio.

Th. 70.

Facto hydropi, cum (a) præscripta ipsi non contulerint, Chirurgus levioribus primò, deinde fortioribus scarificationibus, factis 4. digitis suprà talum profundioribus (b) scissuris, iisq; apertis diu servatis, ut diutius duret aquæ profusio, succurrere tentat;

(a) Mesl. l. de ægrit. hep. c. 13.

(b) Cornel. Cell. l. 3. c. 21. Alexand. bened. l. 15. de cur. morbor. c. 40. Vid. Vid. de curat. membrat. l. 10. c. 5.

Th. 71.

Vel fonticulum 4. (a) digitis infra genu excitat, cujus (b) ope spirat jecur, & humores in habitu corporis, intusq; visceribus infixi expurgantur.

(a) Gabriel Fallop. Tract. de caut. cap. 12.

(b) Zacut. Lus. Prax. l. 8. c. 15.

Th. 72.

Totius autem curationis (quâ hydropem anasarcam, ut idiopathicum Epatis affectum attendimus) iste sit ordo, ille modus, ut

Th. 73.



Th. 73.

Primò omnium, sufficienter habità causæ cognitio-  
ne, *dieta* præscribatur conveniens;

Th. 74.

Hinc vel *vomit* repetitis vicibus, pro viarum eva-  
cuatione provocandus, vel ipsa humorum *preparatio* inci-  
piatur, & post hanc levior purgatio;

Th. 75.

Posteà *vena* ipsa secetur, & post hanc reiteretur cùm  
*preparatio*, tùm ipsa per vices, sc. ut vires ferre valeant,  
humorum *purgatio*;

Th. 76.

Ut verò semper habeatur virium ratio, omnibus iis  
medicamentis, quæ præparant, & quæ purgant, non tan-  
tùm misceantur ea, quæ Epar roborare, & ipsius imbecilli-  
tati subvenire nata sunt &c. Sed à nimio quoq; & frequen-  
tiore medicamentorum usu, cùm ille visceribus noceat,  
& facultatem naturæ debilitet, abstinenceatur. Satius enim  
est paulatim, & tutò evacuare, quàm festinando pertur-  
bandoq; unà cum morbo ægrum è medio tollere.

Trall. l. 9. c. 2.

Th. 77.

Quibus peractis, singulis, vel alternis diebus exhibe-  
antur manè decoct. *diuret.* assumptis prius troch. de eu-  
pat. vel de rhab. &c.

Th. 78.

Post hæc illa, quæ suprà pro expellendis per *habitum*  
*corporis* reliquiis præscripta sunt, conveniunt.

Th. 79.

Et si præscriptis curandi modis *Anasarca* non cedat,  
Hippocratis præcepto, ultimam à *Chirurgo* admoveri ma-  
num, profundiores scarificationes exerceri, fonticulosq;  
excitari concedendum est.

Problema.

*An Rhabarbarum hydropicis conveniat?*

F I N I S.